

22.6213
, 1030073
15

災祥 城池 壇廟 壇祠

正定縣志

八卷十

Kodak Color Control Patches

centimetres 1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30

0 10 20 30 40 50 60 70 80 90 100 110 120 130 140 150 160 170

正定縣志卷八

災祥

粵稽洪範首叙五行用之以五事應之以庶徵天人

感應之機捷於影響果能遇災而懼則一言一動自

能消沴戾而迓庥祥此史家皆有五行志也茲仿其

例災祥並書於策以示鑑戒云爾

漢鴻嘉元年冬黃龍見

新莽建國元年大雨雹

晉太安元年獲玉馬

東瀛王騰自并州遷鄴行至正定時積雪當門前方

數丈獨消怪而掘之得玉馬高尺許口齒缺

永嘉四年五月常山蝗晉書

太興四年秋八月常山崩滹沱溢大木拔晉五行志

魏正始元年九月恒州地震

永平四年十月恒州地震有聲如雷

延昌元年四月恒州地震

延昌二年八月恒州地震山鳴

隋大業元年產牛四脚膝上各一蹄

唐永徽五年六月大水滹沱溢損五千餘家

永醕二年八月滹沱河及山水暴溢害稼

宏道元年八月滹沱水溢

開元十年四月見巨人跡

大歷十一年地震冬無雪

十二年地大震三日乃止

建中元年大雨冬無雪

唐五行志易水滹沱橫流自山而下轉石折樹水高丈餘苗稼蕩盡

元和元年夏蝗

七年甲仗庫災

唐五行志吏坐死者百餘人

太和九年秋蝗害稼

開成元年夏蝗秋滹沱河溢害稼

三年蝗草木葉皆盡

五年大水

梁貞明四年滹沱大水壞關城

龍德元年秋野河變爲血游魚死

唐同光三年蝗害稼

晉天福四年大旱蝗

八年旱水蝗大饑

是歲春夏旱秋冬水蝗大起原野山谷城郭廬舍皆

滿竹木葉皆盡重以官括民穀使者督責嚴急不留
其食有坐匿穀抵死者縣令徃徃納印自劾去上以
恒定饑停檢索杜威奏請如例判官王緒謀括百萬
斛以七十萬入已威復令李沼貸足之民死亡不可
勝數

宋開寶二年七月水害秋稼

太平興國五年四月正定行宮殿梁生芝如荷花知府
趙賢進圖以聞

八年七月滹沱河溢

咸平三年七月禾一莖三穗

十二月東南雷

景德三年八月禾異畝同穎

大中祥符元年八月粟生三穗

四年七月地震壞城壘

十月城樓戰棚火

五年七月鎮州四縣嘉禾合穗正定府甘露降

七年九月嘉禾合穎

景祐元年七月禾一本九穗

四年十一月甘露降

皇祐二年七月大水壞廬舍

五年九月嘉禾異畝同穎

金大定八年六月滹沱河犯正定

十七年七月滹沱河溢決白馬岡

二十五年九月嘉禾二本異畝同穎

泰和四年旱詔祈雨恒嶽

元太宗八年五月雨雹

中統三年蝗雨雹

四年夏旱蝗

至元元年十二月大水

三年五月蝗

四年四月蝗

五年十二月以大水免今年田租

八年六月蝗宣撫使王磐捕滅之

十年夏大水蝗詔所在賑米

十七年四月蟲損桑

十九年九月詔賑饑民其流移江南者官給糧使還鄉里

二十年大風雹禾盡損

二十四年二月饑

是歲正定路霖雨害稼屋多壞壓死者衆

二十五年七月蝗

二十六年霖雨害稼

二十七年四月旱

二十八年三月饑

二十九年五月蟲食桑盡無蠶

三十年五月旱蝗水雨雹

元貞元年八月旱

二年蝗旱詔賑之

大德四年五月水

五年四月蟲食桑七月蝗

六年四月蝗

十年夏蝗

十一年五月蝗八月又蝗

至大元年五月蟲食桑六月蝗七月大水

二年二月賑正定路饑八月蝗免今年租

三寶奴言正定以五臺建寺所須皆取直於民宜免今年租稅詔從之

皇慶元年七月霖雨傷稼

二年四月正定饑免今年田租十之三七月正定饑民流移詔所在有司給糧兩月免今年差稅

延祐元年三月民饑詔給賑兩月九月滹沱河決為災

府志在七年

五年七月大旱

六年大雨水

至治元年七月雨雹水溢民饑禁釀酒

二年二月賑正定饑五月又饑詔弛河禁

三年夏大旱

泰定元年正月淫雨傷稼詔賑兩月二月滹沱水溢漂

廬舍六月蝗

二年春民饑禁釀酒八月水饑詔給糧四月賑之

四年八月滹沱水溢十二月旱詔免田租之半

致和元年春民饑詔給鈔二萬一千錠賑之

天曆二年春蟲食桑盡蠶俱死七月蝗

至順元年春民饑詔賑之六月蝗

元史賑民凡七千七百戶

二年四月地震逾月不止六月大水

三年四月滹沱河決沒屯田四十三頃八月自夏徂

秋不雨

至正二年五月滹沱溢

明洪武六年民饑

七年六月蝗

八年五月蝗

永樂元年六月民饑詔戶部遣官發粟賑之

四年九月滹沱河決白馬口

五年二月大水詔蠲糧芻

八年二月日下五色雲見

十二年七月淫雨壞城命及民暇修之

洪熙元年六月滹沱河大溢沒三州五縣田

宣德三年七月水

六年六月大水

九年旱

正統元年四月命都御史魯穆巡視正定蝗蝻閏六月大水

四年五月大水六月蝗七月滹沱河溢

五年夏蝗

六年三月民饑流移詔大理寺少卿李奎撫之夏蝗

九年四月旱命編修倪謙往正定祀北嶽

十年災荒民饑詔刑部侍郎薛希璉撫之

十二年七月蝗災遣僉都御史張楷督守令捕之

十四年六月旱

景泰五年四月旱命典籍吳衡往正定祀北嶽

六年六月旱命中書舍人劉福往正定祀北嶽

天順三年四月連日烈風麥苗盡敗

成化三年四月旱命正定知府邢簡祀北嶽

六年夏民饑食草木殆盡詔吏部侍郎葉盛安撫之

七年六月滹沱溢詔戶部侍郎原傑撫之

四月旱六月又水民饑死流亡相望於路故有是命

八年五月旱

九年六月大水七月蝗

十三年四月旱

十八年滹沱溢

二十三年五月旱命吏部侍郎劉宣往正定祀北嶽

宏治二年大水滹沱溢壞城

相傳壞城西南隅而入壞城東北隅而出民居存者僅陽和樓左右數十家而已

四年春旱命吏部侍郎彭韶往正定祀北嶽十一月

星隕府西北紅光燭天西南天鳴如鼓又如奔車

六年夏旱遣正定巡撫都御史祀北嶽

七年二月饑

八年四月饑

正定所在荒旱民多饑死

十年夏旱六月地震

自九年冬至本年四月不雨

十三年大水滹沱溢

南關火神廟碑宏治辛酉廟被滹水冲沒

十七年五月旱命都御史王沂祀北嶽

正德二年正月大雪凍死人畜

正定一路大雪平地丈餘谿谷皆滿人畜凍死無數

八年冬地燠如春

十年四月大旱

十二年夏大水傷禾

嘉靖八年饑

十三年閏正月賑正定饑

十七年七月滹沱水溢

二十四年七月冰雹傷稼令戶部勘覆以聞

二十八年春夏大旱

四十五年四月正定民婦助產一男六歲死

隆慶元年夏滹水澄清累日

三年夏滹水決曹馬口隄正定大水

六年秋霽雨滹沱溢

萬曆九年十一月災蠲賑有差

十一年十月地震

十八年大有年

二十年夏大水

二十五年三月二十一日黑風起白晝晦暝燈火無

光從午至酉始止

三十二年七月大水滄男女無算

三十四年三月災蠲賑

三十五年六月霪雨數旬不止禾皆沒

三十六年滹沱水溢

三十九年五月十二日大風拔木鷲鳥多死

四十一年正月天鼓鳴流星晝隕有光

四十二年秋蝗九月二十一日地大震

四十三年六月大旱九月地震

四十五年六月大饑有司請賑不報

四十六年旱數風霾

四十七年五月夜雨雹大風拔木發屋雷震正定城

西門門折有光如炬流入城

天啟元年久旱正定三伏不雨秋後旱

二年夏滹沱河溢

四年二月地震四月大雨雹損麥積地尺餘
翌日不消

五年三伏不雨秋後旱

六年春賑正定饑

米價湧貴人思轉徙知縣李挺申請兵備馮師孔

巡按宋師襄馬逢皇凡三發粟給粥賑之知府蔡

官治初下車發府倉二千餘石助賑民賴以活

四月旗纛廟武庫災

庫內以大糞貯火藥上覆石塊守者移藏誤觸石

與寶相磨迸出火光軍士劉舉韓上策等七人焚死燬鎗甲兵器以數千計

六月地震如雷月三四日

明志震自西北繞東南

閏六月滹沱大水曹馬口隄決增築月隄

八月大雨雹損稼

崇正元年夏旱

五行志所謂畿南赤地千里是也

十三年正月數風霾

風至四月方止又大旱

閏正月饑發帑賑之

十四年大旱民饑夏大疫詔有司賑之

斗粟千錢人相食死亡塞道都御史楊進設藥局

十六年二月城東南赤色自地起大風城頭軍器俱

出火

旋繞西北抵西南逾時不散中閃爍如龍蛇狀先

有數物似兔膚有紋縷歲彗繒裂遊地上

十七年正月彗星見八月二月有星入日日大暈

國朝

順治二年六月滹沱水溢逼城

三年春雨麥熟二月火神廟災七月飛蝗蔽天禾稼

盡損

五年十一月滹沱溢

十一年滹沱水溢城幾潰三日始退

十六年九月有年

康熙七年七月大雨七晝夜滹沱諸水泛溢

十八年夏秋大旱饑民流徙

二十年春夏旱民饑

二十四年秋霖雨疫

二十六年五月旱

三十年旱蝗八月大雨雹饑民流徙

三十一年滹沱水溢傷禾

三十九年夏五月滹水傷稼

六十年春夏旱

六十一年夏亢旱三月知縣李伯貞步瀟虔誠次日

始得雨

雍正五年有秋

六年大有年

七年旱二麥不登秋大雨滹水溢

乾隆三年滹沱河北徙逼南閔衝民居

八年六月亢旱暍死人甚眾

入夏不雨熱甚時有焦氣觸人中之卽斃後有知

正定縣志 卷八
者謂舌下有疱針破出血塗之即愈

十年夏旱饑

十四年秋雨雹傷稼

二十一年大有年

二十四年自去冬不雨至夏五月

二十九年大水

三十三年大水滹沱滋河並溢

三十七年大水滹沱滋河並溢

四十一年大水滹沱滋河並溢

五十九年六月大雨滹沱水溢逼城漂沒房屋

秋稼小孫村被水冲没死者五百餘家

嘉慶六年六月大雨四十餘日滹沱水溢漂屋害稼凡
一百餘村

七年夏大蝗禾稼一空

十八年夏大旱

十九年大熟

二十一年四月大雨雹

二十三年四月初八日大風晝晦
自酉至亥方止

六月旱

二十四年夏大水十二月十九日夜大雨雪深七八

尺

道光元年秋七月大疫二十五日至二十八日尤甚死者無算

二年夏大水

三年六月大雨滹沱溢漂屋害稼歲荒民饑

四年秋大熟

五年夏大旱飛蝗蔽天禾盡損

六年夏旱蝗

七年六月十三日大風雨旺泉亭圯壓死十數人

八月二十八日大雨雹

八年秋大熟

九年秋大有年

十年四月初十日雨雹二十九日大雨自東北來損

民宅無數閏四月十一日酉時地大震

十二年夏大旱

十三年十二月十三日大雪積地數尺人有凍死者

十四年六月大水高二丈許三日方動人皆以為蛟

起滹沱水溢

十五年秋蟲食穀葉

十八年大旱兩六月不見雲

三十年正月陰霧迷漫積霰不散

咸豐二年秋蟲食棉花子九月有星大如月起西南落
東北有聲如雷

三年春城西南角積水中有聲如牛逾半月始止六
月大雨數晝夜滹沱暴漲逼城垣二十五日由東
南水門倒灌而入城內幾爲巨浸幸城垣蟄陷水
始斷流沿河村莊被災甚重

四年秋蝗

五年六月雷震北甕城三十餘丈蟄陷二丈餘深擊
死大蛇一長四五丈

秋蝗

六年六月大旱知縣錢萬青扎草龍祈雨

七年六月飛蝗蔽天禾盡損知縣程家駿收買蝗蝻
八年春蝻孽萌生各村捕之甚力

十年春三月二十四日酉時大風晝晦

同治元年三月十八日酉時風霾晝晦夏大疫

三年十二月大雪三日

四年正月大雪月餘不止秋大有年

六年夏大旱

七年春大雪月餘不止

夏麥稔

九年夏六月大熱人多暈死

十年五月大雷居民房屋有震倒者六月至八月大雨幾百日滹沱水溢三次逼城門皆倒灌運土填之幸而無事然亦危矣村庄禾稼被災甚重

十一年六月初六日大風雨震雷吹折文昌廟並東廡鄉賢祠獸吻二十八日大雨二日滹沱漲溢水深三丈浸灌城垣漂沒房屋傷損禾稼被災者八十餘村西南關尤重十一月十二月滹沱水溢寬數百丈

十二年六月滹沱北徙大楊家莊村西民地三十餘頃並墳墓陷入河中舊日三壩之地也

里中水患

梁清標

霖雨連朝夕，瀰瀰水瀉渠。
千家聞夜哭，十里歎巢居。
勢極身謀拙，年荒吏治疎。
高城三板在，天意欲何如。

履勘秋災宿化壁店偶題

慶之金

化壁偶停車，新涼快雨餘。
秋聲來樹杪，斜日下林於。
大地民皆稔，瀕何歲獨虛。
狂瀾誰作障，搔首一欷歔。
山勢蜿蜒迥，河聲瀕洞遙。
疆連牙錯犬，天濶翅盤雕。
鴈塞雲爭起，鱗原木已蕭。
劇憐農事苦，殘月映鎌腰。
滹沱又溢，於是水漲三次矣。
感懷有作

趙文濂

正定縣志卷九
修築堤坊工未興伏秋盛漲百川騰連朝積雨晴難
放三渡沈災澹未能疊隘重關疎舊塹黃梁黑黍沒
荒滕閭閻疾苦言空切蒿日時艱感不勝

正定縣志卷九

城池

漢建爲國晉移爲郡唐改爲軍明陞爲省規模濶大
壁壘森嚴恃爲重鎮西南兩面滹水環流足資控制
本朝移省會於保定而此城橫亘南北居畿輔之中形
勢尤爭奇扼要則所以建威消萌者宜思患預防也

城附郭本府漢東垣故城在縣南八里

今名古城

漢武帝始

建正定國晉移常山郡城於此後魏遷郡治安樂壘後
周復治正定俱建石城唐寶應中成德軍節度使李寶
臣因滹水灌城復拓大之

見紀碑

宋元並依舊城修葺然

非石垣明正統己巳都御史陸矩會御史陳金增築城址浚治濠隍爲固守計周圍二十四里高三丈餘上寬二丈隆慶五年知縣顧綬始易以磚石至知縣周應中申動府庫銀六萬餘兩於萬曆四年落成計算丈尺分堞口有小石碑紀其工段東縣興工東西南隅正定神武二衛分修正定標督修

本朝雍正六年奉

勅修理嘉慶十六年同治七年隨時補修

門四各有月城建樓東曰迎旭今改環翠南曰長樂西曰鎮遠北曰永樂四隅仍各建樓南城外樓曰看花額

曰襟山帶河明萬曆十八年重修

本朝康熙二十五年重修

堞口舊五千五十有奇崇正十二年太監陳鎮彝並爲二千五百四十八

門月城舊各有甬道與裏城不屬崇正十年巡按御史李模廢甬道接築爲一

崇正二年知府侯應琛增建小樓於北月城上今

池濶十餘丈深二丈許隄高丈餘厚如之萬曆以後淤廢崇正四年知府侯應琛集僚屬丁夫挑濬泉發西北大小五十餘穴綠水環流菱荷瀟望隄柳掩映鷓鴣回

正定縣志 卷九
三
翔可以泛舟擅河北勝覽今泉淤壅池亦淤平
護城河乾隆十年挑舊有河漕西韓河舊由柏棠村南
流入滹沱乾隆初次水利圖說棄有用之水助滹沱之
勢甚爲非計挑河一千六百一十四丈轉輸城濠由城
東南隅響水閘東流爲東大道河

城池

正定懷古

元 陳孚

千里桑麻綠蔭成萬家燈火筦絃清恒山北走見雲
氣滹水東流聞雁聲主父故宮秋草合尉陀荒塚墓
烟平閔元寺下青苔石猶有當時舊姓名

正定道中遇雨

明 高拱

自是天家雨露寬孤臣千里濕征鞍邊關迴首烟塵
淨農畝關心稼穡難何幸一朝驅毒暑不眠半夜襲
輕寒自慚未滿甘霖望徒使蒼生拭目看

至正定

鍾惺

偶隨計吏北之官一月巖程七日殘文物清時王事
易風霜遠道客身難每來幽冀多逢臘此渡滹沱獨
不寒朔氣最高天未雪豈宜春近土猶乾

正定劉使君子易月夜宴城北池亭觀捕魚

王世貞

釣渭客甯貴如棠公豈頻水光迴拍檻秋色散驚緡
吹沫星飛動穿深月隱淪生涯捐浩蕩末路赴逡巡
雪壓金盤細霜飛玉筋新異鄉王肅茗南國季鷹莼
爾自烹鮮理吾何祝網仁風波仍病骨天地漸窮鱗
萬事徵漁父孤懷信校人無煩問濠上莊會定同倫

正定客舍對雪

董文驥

窮陰滿太虛積雪凍庭除鴉點埋雲樹童衣宿火厨
君恩孤白厚老病酒杯疎江國寒梅早垂垂已待
余

過正定

吳雯

鎮州荷花一萬柄正對城門是酒家下馬當墟更斟
酌醉臨明鏡看吳娃

正定邸中憶許使君

李攀龍

客舍題詩日已曛當時此地重離羣青樽夜倒滹沱
月紫馬秋嘶大陸雲春色那堪愁裏望緘書何意病

中間依然趨府諸年少不見風流許使君

恒山道中卽事

程可則

半年游趙國三月返燕門車馬何曾住風塵未敢言
嫩楊疎客路微雨暗孤村縹緲春田外何人自灌園

發正定

國朝 梁清標

喜見還傷別依然傳舍過繁霜驅小隊曉日渡滹沱
僕御催人急漁樵入夢多漸看三徑遠其奈菊花何

正定府

魏裔介

成德軍聲震若雷長亭矗立古烽堆山分恒嶽奔天
馬水繞滹沱到海隈砧杵千家嚴畫角梯航萬里走

輿僮遙看劍氣冲牛斗知有三都作賦才

南樓讌客作

李玉斯

時郡紳梁謙居梁叔達梁元繡梁敬仲韓繩武
皆集

雉堞雲連滹水波嚴城練甲起長歌高樓讌客賓朋
盛永日登臨感慨多禾黍青浮平似掌芙蓉紅借曲
成河滄桑極目情無限今古乾坤奈若何

夏日邀行唐劉仰山曲陽王恬若兩明府集飲

南樓

直從南面最高頭水色山容眼底收水上風來香入

座山中雲過月當頭何須河朔消三伏疑泛仙槎向
九秋却羨神仙雙茂宰竹林東晉遜名流

夏日同贊皇成乾夫明府東垣徐廣文南樓觀

荷後次河邊夜飲

南樓高聳日亭亭勝友同遊思杳冥脫帽凭欄驚拍
案賞花待月快瞻星臨風把盞雲頭黑近水敲詩酒
眼青惟有閒情真不倦清流夜靜聽泠泠

五十知非又一年鬢眉閣上愧凌烟勲勞赫濯形圖
閣花月評量酒肆筵荷葉照燈光映火墮毬鋪地坐
疑船陶然三斗忘歸去何用逃名學散仙

和合肥夏履端孝廉南樓觀荷原韻

他鄉今喜聚星躔十載恒陽思黯然故里舊交悲異
地高樓炎夏賞花天盤飧真愧無兼味醅酎何妨坐
晚烟知己流連形放浪科頭永日好盤旋

禾黍青青鳥落沙平原十里靜無譁登樓賦就推名
士送酒人來謝大家雨後西山招逸興河邊流水襯
明霞相留莫訝歸鞭晚月到當頭興正賒

九日同人登環翠樓聚飲漫作五七言律各二

首

王榮增

搖落金風坐野苔烏衣少長共登臺滹沱水落堤坊

出恒岳秋高鴻雁來已識浮生似駒隙急須行樂領
金醅功名身外何須問取次歡歌笑口開

城頭共坐少人過良友情殷送酒多何間衣孝廉送佳釀二尊九

日尊前愁聚散田叔姪欲赴江右一身意外嘆風波子年來每多意

外之縱橫結客心仍在歲次催人奈老何地迥天高

容笑傲肯教儒腐笑蹉跎

遠山晴可望秋景萬峰開未見黃花發先聞白雁回

登高從舊俗泛酒酌新醅明日重陽過攜尊可再來

蕭蕭黃葉落秋色滿城隅遠水明堤岸高樓對酒爐

共應開笑口誰復嘆窮途遙望時邊客停盃共大呼

適值素侯姪督園人灌園招呼登城共飲

九日登環翠樓遠眺和梅溪兄韻王麟超

登臨縱目最高樓大地河山檻外收黃菊有香堪自

賞白衣無酒令人愁遙村雲樹疑秋色野浦菰蘆隱

碧流猶憶去年題壁上墨痕宛在又重游乙未同大姪題詩今

又一

乙未七月四日雨中同族人暢飲環翠樓

王發甲

箕踞共科頭同來醉早秋清蟬鳴遠樹白鷺下芳洲

雨氣涼浮座荷香細入樓呼童荷鋪否漢漫欲狂游

和瑤全姪九日登郡城韻

王鍾岳

抱病逢佳節醇醪隔短墻
黃花開燦爛細雨洒微茫
未落龍山帽空懷玉女霜
誰知今日計自笑一錢囊
不盡登高興黃花須滿頭
天空秋水寺雁下井幹樓
節序寒來早人情擾未休
病中筋力倦詩酒漫相酬
平蕪遙入望秋碧曠懷深
富貴浮生夢親朋見面心
花開催令序草砌護蛩吟
虛此重陽會追歡懶獨尋

花朝同毓六子諒登郡城遠眺

王鍾岳

芊芊野草媚春光攜手閒來逐陸郎
殘雪未消金馬氣條風旋透瑞麝香
柳眠池畔飄新綠鴻閃天空背

夕陽北去長安無渭水可能熊虎入高唐

九日同吳子靜幼平弟子諒姪登郡城小酌

王鍾岳

古今懷抱共登臺形勝迢迢入望開
正對青山堪作賦况逢黃菊好銜盃
明霞高自城頭映秋氣低從水面來
一醉莫愁虛歲月諸君皆有大夫才

蓮月同王肯堂楊鳳文馬廷華敦安姪孫城樓

小飲遇雨有作

王發楠

曲水紅蓮盛危樓石磴攀雲低
村外樹雨洗望中山草色含深淺
禽心自往還舉杯邀一醉莫惜醉醃顏

同日次王肯堂韻

高樓山雨接倒影水雲齊漸覺羣峰小頻輸望眼低
幽廊同舉酒彩筆共留題欲覓催詩景清流漲晚溪
芙蕖開欲遍流水沒前堤雨過遙山出雲歸野徑迷
長吟依石砌盡醉臥花溪却笑飛來燕殷勤啄紫泥
中秋同子因弟峻生侄登郡城遠望兼懷七弟

王瓚

過眼風光異登臨興自奢魚船依柳岸水榭入晴霞
淒草行吟路紅香對酒花歌殘雉堞上明月促還家
蕭條憐令節雲散晚涼天携手同人話擎盃邀月筵

激江應望遠此地盼歸鞭何時傳弟到剪燭一歡然

過正定府城垣雄峻詩以壯之 朱佩蓮

九達京華路真稱北鎮雄波驚徒駭倒雲壓太行東
門管三重固譙樓四角崇古來爭霸地時秦盡成空

正定府 金文純

百戰河山在巖疆古鎮州恒峰邀堞聳滹浪蹴城浮
立馬人呼渡吹簫客倚樓旺泉流澤普彌望足青疇

登郡城北樓 鄭大進

方城領冀域飛簷敞宏構面勢得拱辰臨風披北牖
林巒恒嶽佳雲物京畿秀長天雁陣高比屋魚鱗翥

正定縣志 卷九 十一
郊原慶有秋萬寶成功奏化日近長安翹首君門就

登郡城口占

時粵匪由河間
竄至阜城縣

史策先

匹馬鎮雄關驅馳日未閒雙旌前御史一郡古常山
胆瀾惟思趙舌存不愧顏從來爭戰地憑眺起顏頑

過正定府

趙文濂

形勢山河勝津梁道路通城環新水綠塔挂夕陽紅
驛柳紫官舍池芹秀泮宮環橋門未入行色惜匆匆

登郡城東樓

巍峩樓櫓與雲凌滿目烽烟約共登剩水殘山環處
處重關疊隘扼層層旌旗颭地軍威振鼓角喧天礮

火騰何日妖氛寰宇淨年豐人樂海波澄

登郡城西樓

鎮鑰重關疊隘多排雲雉堞鬱嵯峨行山北亘連恒
嶽滹水西來會治河柳暗花明平野濶雨奇晴好晚
烟掩感懷欲作登樓賦獨立蒼茫思若何

登郡城北樓

關河雄勝擁高城薄暮登臨宿雨晴起伏沙岡連大
漠淡濃樹色護郵程風塵暗澹長楸倚旌旆飛揚細

柳營落日大旗斜照處山樓粉堞咽笳聲

練軍駐
北關

登西北角樓

危樓一角鬱崢嶸更上層樓放眼明烟抹村容遮樹
影膏融地脉咽泉聲山光雨後青浮郭水勢春來綠
繞城浩浩平沙千百里滹沱天外大河橫

正定府

容丕華

起伏沙岡一郡環唐藩成德漢常山西包恒嶽千峰
峭南截滹沱百道彎中國咽喉通九省 神京鎖鑰
控三關地當河朔稱雄鎮虎踞龍蟠燕趙間

正定縣志卷十

壇廟

風雲雷雨天神也社稷山川地祇也厲祭人鬼也

國家崇德報功載在祀典爲壇以祭意深遠矣至於先農
入蜡城隍河神不壇而廟由此推而廣之耳其餘因古
之制順民之情各以類附焉

社稷壇 在城西北洪武初建宏治七年萬曆四十六年
重修有壇有樹有垣有門祭用春秋二仲戊日今門垣
傾圯僅存壇形

入蜡祠 在社稷壇西嘉靖十七年建廟三楹天啟六年

知縣李挺重修有垣有門祭與社稷壇同日今移建於北關並祀劉猛將軍同治十一年塌卸十二年知縣慶之金改建城隍廟中

風雲雷雨山川壇 在南門外洪武初建宏治十七年重修門南向中爲壇祭與社稷壇同日今門已無存

厲壇 在北門外洪武初建宏治七年重修有祠三楹有垣有門祭用清明中元十月初一日

先農壇 在城東雍正五年建祭日行耕藉禮

河神廟 在南門外郡守高公建至正元年封昭佑靈源侯

乾隆十五年 駕幸河南 回鑾正定 閱河 賜額

日畿甸安瀾春秋二祭與南壇同日又祭於六月二十八日舊廟大殿五間後殿三間大門一間戲樓一座屢被河圯代有修葺咸豐三年又被水冲七年知縣錢萬青重修大殿三間大門一間東廂房三間同治十年十一年連被水冲又形殘破十二年重修

府城隍廟 在城西南隅洪武三年建正統間知府張玉

重修成化十二年知府田濟重修 學士劉吉爲記 嘉靖二十二

年邑人沈經等重修 邑人劉文莊爲記 萬曆三十二年邑人焦

廷相增建抱厦牌坊康熙十二年知府張臯謨重修 自爲

記 乾隆四十六年邑人梁朝鼎等重修道光十九年重修
邑人王定 同治十年重修牌坊
姓為記

縣城隍廟 在府城隍廟西萬曆三十二年改建嘉慶十
一年重修
邑人吳啟 鳴為記

瘟神廟 在府縣城隍廟之間崇正十六年邑人齊進忠
募建祭用五月初五日 魯班廟亦附廟內

關帝廟 在陽和樓前至正十七年監郡普顏建
郡人瞻 馮子翼 正德十四年重修康熙二十八年重修春秋朔
為記 望在此致祭既神三代並膺崇褒改祀於西南隅廟於

順治初總兵王璟改建乾隆二年重修
教諭崔 六十年
楹為記

重修 知縣劉 道光六年重修 總督那 春秋二仲及五
浩為記 成為記

月十三日祭 按廟甚多衙署巷口處處皆有不能遍
記府治東北關帝廟萬曆四十二年重修 碑已 順治四
倒

年重修 邑人王兆 康熙二十三年重修 守備王國 咸豐
吉為記 珍為記

二年重修又北門外亦有關帝廟崇正十七年五月初
四日李自成敗走井陘中伙於此邊大綬虎口餘生錄
不進城在關帝廟中伙是也廟今尚在教場東北道光
十七年重修廟頗宏整

趙將軍廟 祀漢順平侯雲舊在南關滹沱河北岸移建
於城東北隅草場道光六年移建於關帝廟東
知府金 洙為記

同治四年與關帝廟一並重修春秋二仲與關帝同日祭

龍王堂 在府治北有龍井禱雨有應春秋二仲擇日祭又六月二十三日祭

昭忠祠 祀嘉慶年間出師川楚陝甘陣亡將弁兵丁嘉慶十五年建在關帝廟西

火神廟 在南門外成化癸卯修建未備宏治辛酉滹水淹沒甲子復建正德丙子嘉靖丙午續修隆慶二年萬

曆二十年天啟七年各有善人續修乾隆五十九年嘉慶六年滹水淹沒十八年重修道光三年滹水淹沒十

年重修四月二十八日祭

水母廟 在南門外萬曆四年建今廢

東嶽廟 在東門外洪武初建成化五年知府邢簡重修

邑人霍貴為記 正德九年重修教諭秦煜為記 天啟五年復修崇正十一年邑人梁慈重修邑人何迥秀為記 舊極繁盛每歲迎春于

此今將傾圮無存迎春改在海子岸

聖母廟 在東門外東嶽廟之西正德十一年建

鎮武廟 在北門外始於宋元明嘉靖乙酉癸卯重修隆

慶五年重修邑人張體乾為記 康熙七年重修巡撫甘文焜為記 又北

甕城亦有鎮武廟今圮

壇廟

龍母行宮 在北關鎮武廟東天啟七年因知縣陸卿正

禱雨有應邑人呂雲鶴募建有碑記六月十三日祭今

已傾圮碑亦無存僅有廟前石在

玉皇殿 在鎮武殿後一時並修

明靈王廟 在城東南隅祀漢邳彤知府李璞記略云英

廟病瘡毒甚夢有神陰治之已而果愈訪其狀為前神

特封明靈王三月二十三日祭萬曆六年知府錢普修

自為 十四年四十七年重修康熙二年十八年五十四

年又重修

觀音堂 俗名小紅廟餘廟甚多不徧記

元真觀 祀真武在木塔寺西永樂十七年指揮丁源建

正統十二年天順七年嘉靖四年重修萬曆八年指揮

丁光祖重修

太陽宮 在府墻東

老君堂 在府治東北隅後為大士庵嘉靖二年重修

延照庵 在府治東明正德初建萬曆三十二年重修

趙南星 原名光明庵又萬曆甲辰重修碑已倒

為記

蒼巖廟 在北門內迤西隆慶中建萬曆十八年重修

吳紹行 道光十七年重修四月初八日祭俗名蒼奶奶

廟

玉皇廟

在蒼巖廟迤南萬曆十一年邑人李文忠因七

旬無子捐資建

邑人許守謙為記

土地祠

在府治儀門外迤東春秋二祭與西壇同日

馬神廟

在舊恆山驛宏治中建嘉靖十七年康熙五十

七年重修驛丞裁撤驛歸於縣署舊廟尚存地名官驛

又府署縣署營中各有馬神廟

永壽庵

在官驛街國初建康熙三十年重修

邑人韓績祖為記

旗纛廟

在鎮署東洪武三年建景泰五年重修霜降日

祭

三皇廟

在府治西轅門外舊在府治東邑人張體乾為

記不知何年移今地廟前碑已倒

三義廟

在南甕城

三官廟

在東門外正統十三年知縣衛景嚴建

平都督祠

在東城上祀明都督平安永樂中建萬曆四

十七年重修今廢

史丞相祠

在東嶽廟東北隅祀元史天澤久廢

周公祠

在北門內祀前知縣周灝貴州貴筑人甲辰進

士咸豐三年知縣事值粵匪由山西竄擾正郡樂城藁

城晉州相繼失陷人情大震灝鼓勵紳民固守城池創

辦團練卒保無虞及卒紳民稟請立祠題 准允行

玉皇廟 在城東北八里許舊為土阜高可四丈周圍數

十丈隆慶中知縣顧綬修城取土於此忽機弩自土中
出幾射中人始知為古侯王塚遂不敢動因建玉皇閣
於其上

大鳴泉廟 在城西二十里曲陽橋廟在泉旁洪武中平

章李伯昇建 知府郭勉為記

趙王張耳廟 在小西丈西北土阜上

重修關帝廟碑記

崔 楙

我

世宗憲皇帝治邁唐虞道合孔孟十三年之措施皆可以
昭千古之常經垂百代之大法以我 夫子為萬古
一人尊崇五代晉爵稱王又念孔氏而後秉天地之
正氣全忠義之大節者惟 關聖帝君為最著 特
頒俞旨追封及於三代祭祀享以太牢直省郡縣春
秋而舉行之幾與宮墻俎豆比盛豈過隆哉蓋讀書
士子每知服聖人之教化而愚夫悍卒奸頑強暴常
有王法不畏父兄師長不能忱語及於 聖帝威靈

未有不悚然媿怖汗流沾裳思遷善而改過者其有
功於天下豈淺鮮耶况 聖帝生平學問志在春秋
當漢祚將移阿瞞擅柄以間關羈旅之身受非常之
榮寵曾不足動其一瞬獨能持重綱常深明大義其
心卽孔氏之心其學卽孔氏之學也介休張公諱金
鳳者素曾秉鐸大甯奉 夫子者有年矣今遵例改
補議敘應選暫寄跡恒陽鹽賈中知 夫子而外所
最當尊崇者惟 聖帝因見郡城 聖帝廟殿宇雖
云壯麗但前無數簷相配後少僧舍棲身卽歲時享
賽而戲樓獨缺與同鄉社公諱萬章麟性共舉善念商之

於山右諸親友俱有同心各蠲資財以勦厥事置買
附廟地一段起蓋戲樓三間樓後茶房二間大門兩
旁看棚四間大門內東西廂房六間大殿後東西廂
房六間以配後殿殿東廚房三間馬棚三間而甬道
墻垣磚石鋪地俱爲修整煥然一新是工起於雍正
十三年二月成於雍正十三年八月茲欲鐫石以誌
其事而免余爲言余與張交最久知其素遊孔門安
於義命此一舉也因乎 聖帝之當欽出於衆心之
所願功不已有善與人同如謂或有希福望報之心
此世俗之見吾知其必不出此也是爲記

乾隆二年丁巳

重修三代廟碑記

劉浩

漢神勇關聖帝君忠義神武參兩天地為萬萬世子
 臣弟友建立人極尼山之後一人而已 帝君之言
 曰日在天地之上心在人之中此聖之所以壽天地
 而不敝也天下之智愚靈頑狂易曠瞽民物魑魅靡
 不戴 帝之聖庇 帝之仁懾 帝之威靈震疊不
 待戶說而喻也稽 帝之節炳簡牒照映星嶽此萬
 萬世之純臣信友悌弟也而至歷千萬禩協天翊化
 為 國家捍禦裁患謚靖人民脂蠻赫濯佑贊皇業

是以 朝廷崇報秩祀明禋告虔於雍正十三年
 詔追尊 帝之三代比上公歲時祀享既類璧之崇
 聖比隆天下郡祀莫能與京經有之曰德為聖人宗
 廟享之此 帝所以為萬世慈孫孝子之極軌也正
 定縣洽西南隅舊有 帝廟故老傳曰明季郡中兵
 燹百魅憧憧民搆廟鎮撫之而後靖其後楹則以奉
 祀 帝之三代祔主凡有司之朔望展覲與春秋時
 祀咸萃于是而營締以來百數十年風雨游蝕石泐
 瓦薛丹黝漉剝日隕圯矣夫以朝廷崇祀肇禋昭報
 功德而司土者因敝就壞弗嚴弗恪將何以駿奔承

事奉揚 聖天子德意抑以 帝且於是對越祖考
光顯孝思顧使壇宇榛莽狸嘍颺竄旁風上雨沾黥
黼帳卽 帝何能無恫心焉此亦守土長吏之懇也
乾隆六十年八月^清恭承祀事從 大憲臺郡伯楊
公 署總鎮都督凝公後稽首于 帝之廡下登瞻
窺楹怵怛疾懷我 憲臺楊公倡捐金如千 署都
督凝公亦捐金如千佐之^浩幸覲茲廟之敞而復完
敬捐其廉俸之積又以募于文武寮案凡得金如千
數剋日鳩工庇材程事凡舊黥黥而今丹雘者曰門
廡曰正殿曰春秋閣閣之上以奉 帝像閣之下兩

楹間以奉 帝三代主正殿之中楹 帝像衮冕圭
舄纓介夾侍靈風肅如也而廟東西舊有三官真武
兩祠皆圯僧遷其像列 帝之東西于義弗稱今謹
墉而別之庸昭虔壹勿相躡焉凡舊頽址而今鼎新
者曰東西兩朝房以待班直曰閣下東西廂俾僧主
之其舊闕今增置者塙垣隱陸重門翼然複廟垂費
如鳥斯革缺者補樸者華無者闕凡董役者三閱月
而事竣乃并新其廟前歌舞之臺毗來奔走宇下瞻
眺惕愴崩恍歌嘏亦庶幾妥 帝之靈用紓 帝之
仁孝以無隕越于 朝廷所以崇報享祀之意歟

正定縣志 卷十
若乃 帝之赫著靈異于正定者父老傳述不可殫
記第書廟所由脩舉緣始與其落成歲月壽之貞石
以告來喆

重脩關帝廟記

那彥成

關帝之神昭垂寰宇越千六百年赫如天日爲我
皇家降福邊邪佑翊鴻運故祀典在 我朝爲尤隆
凡聲教所暨一城一邑神無弗在祀無弗崇矧郊圻
重鎮拱衛 辰居者哉正定府畿南之門也康熙初
年猶爲直省會相傳安溪李文貞公官巡撫爲民禱
祈輒之 帝廟有感輒應具詳文編抑亦輿區神臬

帝實降鑒於此與道光乙酉濟南金君洙守是郡
以霖潦之後棟宇傾圯而莫之修復也於是倡率十
四牧各出歲俸鳩工庀材因其舊基拓新焉明年徂
夏厥工畢竣重闡兩序雲楣松棟華而不雕存樸堅
也殿庭百笏寢宮層樓廓乎有容表尊嚴也告成之
日升香告虔器修禮舉士民歡愜既而赴保定乞文
於予以紀其事予惟正定之地襟山帶河形勝之地
其民介乎并冀質直勇伉其風趣最爲近古昔在
帝之世光和六年郡人蓋高妄求爲白石立祀而黃
巾巫蠱之術蟻附蜂起帝之經營天下實始於茲當

時去河東游涿郡從昭烈帝馳驅戎馬度必往來太行滹沱間則斯地斯民固 帝所嘗高目而怵心者矣迄今隸黃圖之中際重熙累洽之世安土樂業蒸爲秀良而屹然一城西控秦晉擁蜀南帶楚豫滇黔桂林賈而行旅而游者肩相摩番回蠻夷之使年年出於塗俾之經由廟下瞻拜靈威莫不聳然而動生其恪懼斂其邪肆况生聚作息於其地能不俯仰震肅畏神服教也乎金君履任首勤是舉蓋將揚神烈而宣武威鎮華夏而衛畿輔通神之道以治人以及天下四夷其意蓋有在焉固不僅尋常祈禱冀荷神庥已也書之以告後來且爲諸郡式焉

大鳴泉廟記

明 郭 勉

正定府城西北去一舍近有大鳴韓家曹馬口等泉凡四五十穴左右有田若干頃藉其浸潤殆無旱歲頃因兵革之後居民流亡泉壅塞田就荒廢洪武甲寅春榮祿大夫中書平章李公來鎮是郡奉詔近城開荒屯田公乃屬其耆老詢遺跡偕正定衛指揮劉源姜懷邵文正定府知府郭勉及其將佐僚屬披荆棘步荒蕪相陰陽之所宜討泉流之所自合士卒誅草茅濬淤泥遂得泉流四十餘穴悉復其舊灌溉田

土延袤數十里公曰凡山川之靈血食其地者以功
 利之及於物也昔宋滹沱河決堤潰城圯郡守高侯
 禱其神而河復西既立靈源侯之祠矣矧諸泉澤及
 一方歲無旱憂荒穢之地轉為膏腴黍稷實茂離離
 蔽野其為功利也不亦溥乎盍為廟享以崇報之而
 諸泉惟大鳴為大其功為最多而其神為最靈乃於
 其上建祠以祀之因勒石以記其事俾後人知泉之
 跡感神之功而又為歲時伏臘報祭之地云

按舊志宋無高姓守郡滹沱在宋亦未視四瀆之封
 意祠立於昭祐靈源名神之初訛元為未與或宋崇
 祠尚無封號記作於元至正後合前事並追溯之與
 獨計守能禱犯郡之河復西乃無能一道其姓字噫

重建滹沱河神祠碑記

吳河

滹沱河流衍數邑澤潤生民向有祠祀水母辣羊大
 鳴泉諸水之神資灌溉之利報捍禦之功也夫祠之
 由來遠矣宋時河決橫流郡守高公禱祀安瀾建靈
 源祠國初李公來是郡濬四十餘泉溉田數十里建
 大鳴泉祠其餘諸神雖無可考而故老相傳述其靈
 應向有專祠其故蹟無復存矣成化間比歲大水堤
 潰逼城隅壞民廬舍幾為巨浸郡守田公請于朝虔
 告于神發兵夫鑿新河十餘里築內外堤六千餘丈
 河就故道城有屏障迺立祠于堤北合諸神而總祀

之卽今建祠處也宏治十四年洪水爲災視昔尤甚郡守熊公興工修築事省功倍至今兩隄高鞏河水安流居民有恃無恐功雖在人亦神力也正德庚辰河決堤潰郡守朱公發兵夫數千修築績弗就父老勸公禱河神不日堤成公迺信神之靈建祠崇祀凡木植甑瓦工食之類商民樂輸恐後又以罰贖補其不足迺召衆工卜日趨事易其故而新是圖肖像中堂東西各三間爲齋宿所鐘樓碑亭門垣無不完美丹碧黝堊明耀奪目洵足以妥神靈而庇民人矣公名鑑字次明浙江人也由進士擢御史出守是郡方踰年政通人和百廢具舉其創興是役也始于庚辰孟秋成于辛巳仲夏事旣竣將勒石以垂久遠命屬吏吳河記之

史丞相祠記

王博文

至元庚辰秋鎮陽父老踵門告曰小人有請於使君幸垂聽焉皇朝奄有中夏以全趙畀都帥史侯金降將武仙副之未幾仙害侯以叛時大師國王承制得專封拜命侯季弟太尉忠武公嗣其職飛章以聞朝廷從之統蒙古軍三千攻仙走之遂復正定旣而仙潛納謀爲內應遂反其城公又復之國將怒民之從

上定縣志 卷一
賊也驅萬人將聚而殲之公力求曰此本吾民吾倉卒委之去蓋不得已也果何罪乎乃從公言釋之乙未括戶口之役僉軍徵粟急賦暴斂少有甯息百姓逃散官司無所取貨賈胡緡錢出所謂羔羊利者不十年以一累千歲持券來徵則繫累老幼擄掠丁壯有賣田業鬻妻孥不能償者公爲奏聞詔令貴家取贏一本息而止布告天下永爲定制民力稍紓戊戌己亥間政繁賦重加之旱蝗調度之來急於星火又貨賈胡積銀至一萬三千七百餘錠公度民不可重困乃籍親族所積家資償畢折券民漸息肩初軍民

未分身行陣而家出徭役公憫重役之困建言於朝詔令兵不與民賦民不與兵役版籍既定天下至今以爲法兵民各得其所矣本路達魯花赤忙歌撒兒以蒙古老幼數萬口散處州縣行營撤屋伐桑墾井攘劫行路公騰奏太后遂允其請悉令徙嶺北民安田里始遂有生之樂會公北覲朝廷方議天下漢軍分三將統制之太宗皇帝素聞公名命公爲正定東平等五路萬戶自是之後專從事兵戎不復與民政矣公於鎮人良法美意仁風善政不可殫紀今薨逝五六年矣無涓埃之報俯仰負慚無以自處於是

出私財構祠宇塑公像而事之以致邦民歲時享祀之敬公舊部曲趙德榮實董其役今既落成宜狀之敢再拜以請予因謂之曰公天性沉毅平生以仁民愛物爲己任故所至有仁政之稱在正定者若等所知也始治河南爲將相所行之事若等豈盡知之乎予爲若畧言其經畧河南也簡賢能黜貪墨勸耕桑均賦役完堡障立屯田造楮幣以通商賈抑強悍以扶善良皆政之尤者其爲將也大小數百戰未嘗挫衄勇勝強敵謀成殊功其爲相也內總朝綱以杜絕斜封墨勅之弊外立監司以制禦諸侯擅威福予奪

之權給官吏之祿俾之養廉節禁賄賂之行不使憲公政蠲諸色占役五十餘萬戶以均賦稅罷世侯置守令俾庶政歸臺閣公所建白天下所共知也祀典曰法施於民以勞定國能禦大災能捍大患均應祀之汝等建祠樹碑正以見公之仁惠有以感鎮人之深又以見鎮人用心之忠厚也因書以貽之

重修三皇廟記

何澄

粵稽干支之名與夫定三辰分晝夜相山川別九區以至於政教君臣所自起飲食男女所自始其來最久試問其制此者何人莫不曰此三皇氏也試問三

皇氏爲誰莫不不曰漢孔安國序書以伏羲神農黃帝爲三皇夫復何疑余曰然乎否耶考孔子家語自伏羲以下皆稱帝又易大傳春秋內傳有黃帝炎帝之稱士大夫不信傳而信經伏羲神農黃帝其非三皇也明甚三皇者何曰天皇地皇人皇繼盤古而出治其有功德於生民也直與天地同高深余足跡遍天下而廟祀三皇者絕少概見何其謬也余郡城之東偏舊有三皇廟者猶憶總角時嘗聞之父老從未得一爲過之今歲夏月有警師李某率諸同人持葆羽鳴簫鼓左右百寶幢幡輦三皇神位而過余門訊

厥所由來僉以重修舊祠復增新廈爲辭余曰嘻彼何人斯而知三皇之可廟而祀也都人士不亦視此有惡顏乎嗣後單騎詣祠下展拜因得瞻仰廟貌僅數椽耳而湫隘特甚祠前新繕一廈亦僅足以避風雨祠門外左側有石刻高廣纔三二尺古色斑駁余蹲而拂拭讀之烏篆龍文絕非近代手所能摹畫一二乃知出自余外曾祖地官郎張公諱體乾者絕筆也坐臥者久之徘徊而不忍去適警師李某在旁長跼請曰舊石旣出自戶部公之手爲公之至戚今製有佳石在焉磨礮設色亦頗完好公胡不握管爲我

一記之不奕世重光乎余曰是余之志也夫是余之志也夫嗟嗟方今淫祠徧天下而浮屠樓觀或特建或重修丹雘黝堊窮極工巧計其金錢十年之積而不償也咸不惜割臂燃指以成之亦所甘心之所樂爲者不曰求福則曰報功夫求福旣爲通人之所不齒卽報功又無功之可報安得狄梁公出而咸陽一炬乎余賫捧事竣指曰就道不憚濡毫以從事者恐世之沒沒於三皇而不辨又淫祀無已時而創始者之畏畏無聞知也請以此爲記

改建趙將軍廟碑

金洙

天下人雖鄉愚婦孺無不知古有

趙子龍將軍亦無不知將軍爲常山正定人往往夸耀將軍征戰事與鎗馬雄猛之狀如目覩者然而正定人尤尊奉親愛爲其鄉先賢最樹豐碑于闔閭題曰漢順平侯故里四方賓旅驅車往來爲之肅然敬而式之及問侯之廟安在則久廢于霖潦或不能指其處予忝守茲郡訪求遺址得之城內東北隅亂流叢莽不可翦闢時方葺修關帝廟因度地廟左捐俸庀材建新祠焉侯雖生長正定早去鄉里于天下豪傑相馳逐當公孫瓚時持兄之服暫歸故園旋委贄

昭烈帝相從而南長驅入蜀無以家爲故後人稱其
武功而未稔其行己之大節舊廟有康熙間余君所
爲撰論刻石據陳志裴註補綴成文雖敘言未詳而
事蹟粗具揭諸新楹俾鄉人誦而傳之知侯奮身衛
主危險不二有如是忠拒色納絹織分不私有如是
正料敵制勝保師全名有如是智如是勇及其辨國
賊諫伐吳則明且遠也還成都民田宅薦同里夏侯
蘭則仁而公也豈徒以斬將搃旗爲侯重哉侯與
關帝并心協力恢復漢祚勲德之盛足以驂斬而肩
隨之茲之殿宇比隣於禮義爲稱侯常自言須天下

平各返桑梓歸耕本土嗚呼其志既不遂矣鄉之人
伏臘瞻拜操雞豚祝酒漿相與說侯之爲人而奉以
爲宗法則侯之神固凜然常在新也是役也合郡文
武皆出資助工而總兵官舒公

通阿

前在保定釀金

尤多正定縣令趙君躬督紳士始終其事後之官若
民必能保之勿替矣廟成勒石記之撰迎享送神之
曲使歌以祀焉其辭曰恆之山兮巍巍侯去蜀兮不
歸沂我心兮蜀江水侯歸來兮五千里乘靈風兮渡
滹沱繫侯之馬弢侯之戈新宮兮嵯峨進椒醕兮鄉
味駢羅侯不醉兮將待何魏臺吳館兮今逝波

迎神

君臣魚水友熊虎兮維帝維侯漢碩輔兮神堂毗倚

聯樽俎兮愉愉衍衍式歌且舞兮帝為之賓而侯為

主兮侯毋上升樂鄉土兮福我鄉人萬萬古今送神

正定縣改建八蜡廟記

趙文濂

禮郊特牲天子大蜡八伊耆氏始為蜡蜡也者索也

歲十有二月合聚萬物而索饗之也其神八 康成

謂一先嗇神農二司嗇后稷三農古田四郵表驩五曰貓虎郵舍之神也表

標也驩田陌連驩處謂標建六曰坊田驩創建郵舍以居田驩七曰水庸以泄水亦

報其去害六曰坊以畜七曰水庸以泄水亦八曰昆蟲食田豕祭以

之屬害苗者也又蜡祭樂用六變吹豳頌擊土鼓

舞兵舞帔舞載在周禮近代祭以春秋蓋取祈報之

意

國朝因前制務農重穀典至鉅也正定之廟建於城西

社稷壇側凡三楹繚以周垣表以大門祭壇畢遣官

致祭歲久傾圮不知何年移建北關去壇紆遠官不

能遍祭委之禮生祀典之廢弛久矣同治辛未壬申

連逢霖雨又形傾圮濂告之慶式如大令且請改建

城中以便就近行禮式如曰此祀典攸關不可廢弛

者也連年滹沱潰決則水不歸其壑矣隣境蟲災特

甚則昆蟲不能勿作矣虔誠默禱倖邀神惠水災漸

退而蟲災不興廟貌重新工何可緩至於城中改建亦援趙將軍廟移傍關帝廟之例耳豈非禮以義起而變通近利者哉癸酉四月卜基於城隍廟中鳩工庇材不日告成室凡三楹仍舊制也塗暨丹雘煥然一新分設神牌賽神致祭儀備萬舞樂奏三終而擊鼓吹豳恍神游於伊耆氏之世矣昨夜甘霖沃沛凌晨風日清和天人感應之機捷於影響自時厥後順豐年逆時雨息風旱所以邀福於神者未有艾也則式如重穀務農爲民祈福者所係豈淺鮮哉若夫劉猛將軍者吳川人名承忠元未授指揮弱冠臨戎兵不血刃盜賊屏息適江淮千里飛蝗遍野杖劍驅逐蝗皆飛出境外後因鼎革自沈於河有司奏請因授猛將軍之號

國朝雍正二年奉

勅建廟亦昆蟲之神也祀廟中神庶以類聚乎

重修大鳴泉神廟記

李天眷

于恒郡城西去二十餘里有東曲陽漚村等其地靈
其土沃豪俊富室輦出於茲蓋郡西之名鄉也鄉西
北有古廟二楹背沙岡面泉水洧湧突出波蕩潏迴
聲徹數里遂號曰大鳴泉廟中塑龍神冠裳尊嚴端
拱向離悞若生者凡遇亢旱虔禱卽應環南數十餘
里咸資水澤之洽其神惠之及人也良亦溥矣邈其
所自肇於洪武七年平章李公揮使劉公之所創建
其由來也不亦遠乎嗣是而後樂歲相仍遠近瞻足
幾二百載英靈顯應不爽毫厘但歷歲既久風雨摧

滴墻垣壞顏采彫剝廟貌因以頽敝弗堪神之所棲本鄉士夫暨衆善類同謁是廟則然興嘆曰龍神之靈應如斯惠澤之及人殊厚而廟貌若是甚非所以妥神者盍修葺之以更新乎史秉忠曰此義舉也願從事遂邀衆各輸貲財僉謀修舉鄰鄉聞之亦往協助乃諏日告神鳩集匠役運磚瓦需顏料廣拓基址次第拆修神像煥金碧之章兩壁繪出入之形棟宇壯麗簷阿軒翔見者爲之耀目非復曩之頽敝矣是舉也經始於隆慶己巳孟夏冬竣事於壬申季夏歷三禩而功成士夫曰廟既告成宜勒石以傳不朽

衆唯唯遂徵石工取石請予爲記予欣然應之曰凡神之有功於民者皆宜修崇祀矧

大鳴泉龍神靈應赫突惠澤多方其錫休於人也甚大諸君之重修廟祀固所以報神功而記事勒石又所以傳後世其爲謀誠深遠矣豈惟一世計哉僉曰然請書之石予懽躍揮筆不自知其文之陋也

重修大鳴泉孔雀閣碑記

周卜世

粵閩泉出山下百川湧大地之金福在人間七級展諸天之報故史書甘醴總緣民事以呈祥斯閣逼雲霄用答神功而志慶澤流綠野蹟紀青編茲有本縣

曲陽橋人烟輻輳常留耕讀之風地勢平洋不改桑
麻之舊傳自勝國初開之歲突湧天潢數畝之泉大
鳴小鳴聽去似一堂絲竹曹口馬口噴來成萬斛珠
璣月映一川春泛桃花新水綠洪流千頃秋連杭稻
晚風香因之特建龍堂遂爾兼修 佛閣創垂自古
傳說及今迨至初利既開由是爭端漸起香烟有地
徒供豪右之犁焚刹何依幾絕焚修之鉢念兩間自
然之美利原以福國庇民嘆閭鄉衆建之弘規竟至
灰飛瓦解同焉日擊獨不心傷 卜世 江左迂儒畿南
末吏凜趨承之庭訓紹祖烈而隕越爲憂膺

簡在之帝心撫民瘼而捐埃莫補向凜素絲於鹿水今
移赤縣到恒山塵痼癘于懷耳首咨耆老訪廢興之
大者共說龍泉用是捐俸倡先督工募衆若者修而
若者補頓煥規模或宜聖而或宜丹爭誇輪奐靖田
歸廟恒教香火護道觀照例除租無使催科及眞全
詎曰予功爰諸衆願前令李公蚤勒貞砥于廟貌青
衿曹子猶傳抗直于口碑誰云後起之無人竊信先
賢之我許莫謂隅偏西北邨廬非城市之規居然利
溥東南風景媿吳江之美從此泉流浩蕩恩波較溥
濱而彌長佛閣巍峩輝煌偕恒嶽而并峙謹登諸石

共樂厥成

重修龍神祠記

酒養澤

龍之載於經傳詳矣先儒云來而不測之謂神龍之屈伸潛見其不測也神也龍神之祠其古者祭五祀於奧之遺意乎曲陽里大小兩鳴泉上有龍神祠其泉之源流建祠之始末載在前記不復贅乾隆庚申廟宇漸圯東西南北四曲陽踴躍而更新之是泉也流行數十里資灌溉者數千家而四鄉獨仔其役所謂當仁不讓者非耶而吾於斯有厚望也

國家創業百年矣居斯土者樂其樂利其利固神之捍禦也亦承平日久有以造福斯民也吾願居斯土者識此義也且水利之興不能一勞永逸茲二泉者昔之人興於前矣而濬洩之使可繼推廣之使益普父母斯民者所當加意也吾願蒞斯土者存是心行是政也歲九月功竣諸同事索記因爲記其重緝之歲月姓氏以啟來茲

建文昌神祠記

許守謙

真定爲河北重地一大都會迨我朝成祖文皇帝定鼎北平遂爲輔郡視昔益加重矣其分野應星文在昂畢間其風俗重務本其人習文武尙禮義表著河

朔顧城池環繞遼闊厥內中隆

四隅乃得其六皆卑下斥鹵萑葦叢生探丸之徒最易潛聚堪輿家謂民罔阜交而文風亦未暢蓋坐此曷培之斯

已久然莫能舉也嘉靖己酉綿州出守真定公精於

堪輿宏毅有識略歲辛亥周視城內見四隅荒蕪湫窪狀憮然太息深以昔議爲確亟用荒度議於四隅

置公 小民依附成 以爲

於撫臺米指艾公諱希純按臺吉水項公諱廷吉皆報可乃公委賢能卜吉經營工始於良隅次及

乾及坤及巽艮建草場歲積草若干萬束以脩軍需乾爲書院 聘名師造就之今改爲

遊擊將軍公署坤爲長春巷驅諸賤戶往居之不得與良民錯處以正風俗三工甫畢公暨兩臺皆以遷代行其巽隅議建文昌祠者以俟 乃舊僚抱夙

嫌陰格不舉自壬子迄今萬曆丙申四十五年矣中間撫臺汶上吳公諱嶽南昌李公諱遷欲竟成之緣虜警重大兵務類仍未遑也今茲丁酉蘄州李公諱盛春 鼎望拜開府三稔矣保釐工成式擇

蕘適兩庠諸生徐文業馬政和李躍龍唐秉忠盡具

呈臺下公虛受斯議慨然欲舉之真 臨清方公諱

元彥力贊之并陘 憲 濱州吳公道行往來襄之

山陰鄭公諱一麟繼弭節嘉與之郡大夫泰和楊公

諱現清風美政既奏最績于是議毅然引為已任捐

金易舊浮圖守備葛九章畦地十餘畝偕 守

城王君諱梁節判安陽劉君諱

檢蓋屋焦君諱蕃郡理富順王君諱納言邑侯江都

徐君諱天寵指畫規模

諸君蚤

莫董視之郡大夫渭南秦公諱隣晉暨貳守安邑李

君諱圭郡理陽城賈君諱之鳳繼下車 厥成守

備真定衛指揮體統行事李君諱一鵬蕭君諱

成始終預之工肇于萬厯丁酉之夏

竣於戊戌之春文昌神像肖梓潼臺址高聳殿宇巍

峩不雕刻粉飾而莊嚴深邃前有重門後有堂有

東西有號舍 五步南北長

五十步神祠每歲春秋致祭禮肅牲潔公主之其號

舍聽諸生肄業每月三效文字郡大夫暨邑侯輪

庠諸博分視 公提調品題之

人俾守門戶供灑掃厥

前南城壁立端延其案山也厥左東城屹然如藩其左輔也厥右新街沙水聯接

倉厥及諸廟宇 宮城樓櫓儼然文峯也清晝仰視城內四浮圖巔如列星斯三隅中央所無矣如康節所稱古圓明月夜著靚之清輝 慨然如

身在雲霄而

風吹面令人神思紆爽

斯三隅中央所無矣時有瑞雪祠內外遍地瑤華而神祠民居兩城樓櫓有如玉粧更生

之瞻拜不絕蹟于是四隅竝稱填實矣未幾李公有新命拜留京兵侍方公及瓜代楊公擢荆南兵憲余曰是舉也因執事者獲悉往議今告工竣幸爲誌之文昌本正神福德遐被載在搜神記甚詳海內都邑名勝之區皆有祠正定昔無而今有之非偶矣昔

茲上和衷舉廢

嘉惠一方其朱子之家法乎誠庶士之幸前賢之光也然自嘉靖壬子迄今四千

不易也善事固有數哉諸公宦蹟輝赫載在
口碑不可殫述茲蓋其大者乎余初歸議以俸餘其
與地築讀書軒

之如決江河遂成佳

事余且有厚幸矣遂再拜記之系之詞曰維神之尊
兮繁星之精於赫昭回兮

億萬斯年兮式拱神京

壇祠

張耳廟 在小西丈村

王世勳

古廟蕭條對晚晴離離禾黍四圍生從無博雅徵碑

碣止有訛傳誤姓名地接井陘新戰壘雲連襄國舊

都城

趙王都
襄國

頽垣敗堵荒涼甚遙望不勝憑弔情

弱冠時曾客信陵賢聲到處遠飛騰避人名姓聊更

易異代君臣卽友朋爵錫常山旋復失陣排背木有

誰能陳餘失計輕嘗敵遽爾相仇却不應

棄却常山走函谷早知天意屬英豪功名兩度分茅

土戰伐衰年擁節旄不共六王銷刻印還聽嗣子和

吹簫河山帶礪盟猶在誤國誰知有貫高

下齊破趙共扶劉成事因人妙運籌身本無權誰忌
我子雖有罪尙封侯謀臣願逐赤松去奇計仍爲雲
夢游惟有常山山下水彎環如帶向東流

四百年基業已成可憐俎醢到韓彭漢家止殺功高
將此老能留沒世名勿頸故人雖隙末多猜天子轉
推誠遺編不載全身術徒說魯元兒女情

村醪一滴灑荒邱

廟在大邱似卽耳
墓村人歲時祭賽

竟比神功周孝

侯

村人謂神生時曾除虎
患故祀之荒誕可笑

簫鼓喧時談搏虎雲烟深

處隱眠牛半生功業隨滹水千載馨香奠鎮州差勝

尉佗遺塚上並無祠宇伴松楸

張耳廟

趙文廉

因人成事本庸庸得遇淮陰戰請從士有顯名因附
驥子能襲爵爲乘龍降侯何幸延先緒徒楚猶難保
舊封禍福無門昭報爽茫茫天道歎遭逢

順平侯祠

桑梓歸耕願未酬馳驅戎馬爲安劉功從長坂坡前
建祠自滹沱水畔留箕谷勲名超衆將鄉賢俎豆重
千秋歲時父老瞻依近棟宇移隣漢壽侯

倫絕羣超孰與儔將軍當日賊同仇雲車風馬常山

道知有忠魂並轡游

荆州淪陷陣亡時父子曾聞祀一祠擬把東廂添配
饗黃金像更鑄佳兒

張雲錦

浩渺會臨滹水涯新祠移建氣清華座分漢壽亭侯
席居近樓桑帝于家報國勲勞光日月還鄉車馬擁
雲霞故園料得忠魂戀蜀道歸來夜月斜

常山祠

梁清遠

昔時太守死邊陲博得荒原有古祠千載英風猶凜
烈士門時見舊旌旗

梁清標

漁陽鼙鼓動邊陲留得常山千古祠秋到殿門燐火
暗時時陰雨見旌旗

常山祠吊袁長史履謙

張雲錦

義兵同起復偕亡廟食無端抑國殤許遠也曾招物
議雙祠終得並睢陽

順平侯祠

王世弼

神威巴蜀著此地拜將軍廟貌今朝煥勲勞昔日聞
漢家當未造海內煽妖氛秀毓滹沱水才空冀北羣
心輸昭烈帝功類望諸君敵愾忠貞竭從戎戰鬪紛

托孤長坂路沈甲錦江濱箕谷兵纔退荊州亂孔殷
中原須撻伐江表復紛紜仇在田休問兵連鼎愈分
陳詞攄偉略勒績紀鴻文劍閣遺踪托常山舊德薰
有祠供俎豆無地吊邱墳傑構門臨水高風社祀紛
披圖形宛肖釋菜意惟勤駿望關張並同銘不世勲

改建忠義祠記

趙文濂

雍正年間奉文

勅建忠義節孝祠春秋致祭載在祀典正定縣節孝祠
建於前明知府范公志完在縣文廟東屢次重修祠
尚完整忠義祠建於縣文廟中日久傾圮棟宇無存
每歲春秋即遺址望空致祭祀典之廢墜久矣同治
癸酉慶式如大令議重修而舊基頽敝無可因仍經
費支絀籌款非易濂告之曰六忠祠官廳似可改建
也官廳三間在祠之乾隅坐北向南較祠之制少遜
壁嵌石刻忠孝廉節四大字明巡撫徐標之所書也

每歲春秋祭文昌祠衆官於此齋集餘日封閉棊巖以官房改爲祠宇地無需擇也即舊屋少加補葺工亦可省也六忠者本地之官也忠義諸公本地之人也以忠義諸公配食六忠人以類聚也以本地之人從祀本地之官禮以義起也六忠祠準魁樓之例隨丁祭由府學經管忠義祠準節孝祠之例隨戊祭仍由縣經管祭不同日庶幾神無相瀆而承祭者祀事亦易供也式如以爲然而以修八蜡祠預備倉尙未暇及旋於甲戌十月陞任蔚州賈叔延大令抵任光緒乙亥二月濂以告叔延叔延悚然曰此工之不可

緩者也

國家褒忠之典最爲優厚凡陣亡者皆得入

國史館忠義傳且

恩準入祀昭忠祠而前朝之竭節効忠者復

勅建忠義祠以光祀典正定陣亡員弁兵丁經式如詳

明

府憲轉詳

藩憲補行入祠惟忠義祠工未暇及則因人成事以竟

前功非職分所當爲哉鳩工庇材擇日興工既成而以崇祀之人爲問濂曰縣志入忠義傳者皆宜入忠

義祠者也


國朝殉義者入昭忠祠前朝殉義者入忠義祠二祠雖分仰體

國家褒忠之意固並行不悖也叔延於是請之

崑園劉太尊製造神牌諏吉入祠安神致祭而祀典廢墜數十年者興復於一朝固前朝忠義諸公默有以相之亦良有司正人心厚風俗所以觀感之而興起之者用意深且遠也式如纂修縣志尙未告成叔延竭力維持以襄盛舉而忠義祠之建又復克踐前議成始成終不與式如後先輝映哉濂曾參末議因

述問答原委著於篇





70000628

